



Broj: 101-2697/21

Datum: 30.9.2021. godine

Na osnovu člana 72. Statuta Univerziteta „Džemal Bijedić“ u Mostaru, a u skladu sa članom 170. Statuta Univerziteta, članom 110. Zakona o visokom obrazovanju u Hercegovačko-neretvanskom kantonu (Službene novine Hercegovačko-neretvanskog kantona broj 4/12) i članom 22. Uredbe o kriterijima, standardima i normativima u visokom obrazovanju u Hercegovačko-neretvanskom kantonu (broj: 01-1-02-1330/12 od 5.7.2012. godine), Senat Univerziteta, na sjednici održanoj 30.9.2021. godine donosi:

## ODLUKU

### o usvajanju uslova i načina prijevremenog završetka studija na Univerzitetu „Džemal Bijedić“ u Mostaru

#### I

#### (uslovi i način prijevremenog završetka studija na Univerzitetu za sistem studiranja 4+1)

- (1) Ukoliko student/ica sve ispite predviđene planom i programom za prvu godinu položi u junsko/julskom ispitnom roku sa prosjekom ocjena najmanje 9,5 za društvene, humanističke i umjetničke nauke, odnosno 8,5 za tehničke, prirodne i medicinske nauke, ostvaruje pravo upisa u III semestar u septembru iste akademske godine i prijavi najviše tri predmeta iz V semestra.
- (2) U januarsko/februarskom ispitnom roku naredne akademske godine ovjerava III semestar, polaže sve ispite iz III semestra i tri prijavljena ispita iz V semestra, upisuje IV semestar i najviše tri predmeta iz VI semestra.
- (3) U junsko/julskom ispitnom roku ovjerava IV semestar, polaže ispite iz IV semestra i prijavljene ispite iz VI semestra.
- (4) U septembru iste školske godine upisuje V semestar i najviše tri ispita iz VII semestra.
- (5) U januarsko/februarskom ispitnom roku naredne školske godine ovjerava V semestar polaže preostale ispite iz V semestra i prijavljene ispite iz VII semestra te upisuje VI semestar i najviše tri ispita iz VIII semestra.
- (6) U junsko/julskom ispitnom roku polaže ispite iz VI semestra i prijavljene ispite iz VIII semestra te upisuje VII semestar.
- (7) U septembru iste školske godine ovjerava VII semestar, upisuje VIII semestar, polaže preostale ispite iz VIII semestra te ovjerava VIII semestar.

#### II

#### (uslovi i način prijevremenog završetka studija na Univerzitetu za sistem studiranja 3+2)

- (1) Ukoliko student/ica nakon prve godine studija ostvari uslove iz stava (1) prethodnog člana, stječe pravo upisa III semestra u septembru iste akademske godine i prijave najviše tri predmeta iz V semestra.
- (2) U januarsko/februarskom ispitnom roku ovjerava III semestar, polaže ispite iz III semestra i prijavljene ispite iz V semestra. Upisuje IV semestar i najviše tri predmeta iz VI semestra.
- (3) U junsko/julskom ispitnom roku ovjerava IV semestar, polaže ispite iz IV semestra i prijavljene ispite iz VI semestra te upisuje V semestar.

(4) U sepembarskom ispitnom roku ovjerava V semestar upisuje VI te polaže preostale ispite iz V i VI semestra. Nakon položenih ispita iz VI semestra ovjerava VI semestar.

### III

Ukoliko se u toku ovakvog načina studiranja ne ostvari jedan od navedenih uslova proces se prekida, student/ica gubi stečeno pravo i upućuje u redovnu proceduru studiranja.

### IV

Studenti/ice koje završe studij na Univerzitetu „Džemal Bijedić“ u Mostaru prije vremena su dužni/e izmiriti sve finansijske obaveze u skladu s odlukama nadležnih organa Univerziteta.

### V

Odluka stupa na snagu danom donošenja, a primjenjuje se studente prvi put upisane od akademske 2021/2022. godine.

**PREDSJEDAVAJUĆI SENATA**  
**UNIVERZITETA „DŽEMAL BIJEDIĆ“ U MOSTARU**



  
**Prof. dr. Elvir Zlomušica, rektor**

**Dostaviti:**

1. Senatu
2. Organizacionim jedinicama
3. Univerzitetskim studijima
4. Upravnom odboru
5. Službi za pravne, kadrovske i opće poslove
6. Uniji studenata
7. a/a